

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Officio B. Mariæ in Sabbato. VI.

urn:nbn:de:hbz:466:1-40244

fiet Officium infra Octauam cum commem. Octauę Dedic. Cathedralis, translatio Festo altero in primam diem non impeditam. Neque dixerim, esse communia priuilegia hisce duabus Dedicationibus, quæ Dedicationi propriæ Ecclesiæ data sunt, nisi novo Decreto hanc communia putat, si occurrant infra Octauam Epiphaniæ.

7. Officium Dedicationis est Duplex maius apud Durand. lib. 7. cap. 1. cum Octaua, ibidem: vbi & indicat Officium, quo nunc utimur, cap. 48. Psalmos notans resonates portas, atria, & ædificia. Concordamus cum Breu. M. S. & edito 1550. quod est vicinius Concil. Trident. & Pio V. restituenti Breuiarium Romanum: neque Pius mutauit, nisi de more suo Lectiones primi Nocturni, ut essent de Scriptura, iuxta Regulam antiquam Romanam, ex Radulpho Propos. 11. addiditque Lectiones varias pro tota Octaua, & Orationem propriam pro ipso die Dedicationis. Atque ex hac Octaua, quam non habent alia Sanctorum Communia, cum Lectionibus uniuicue diei assignatis, colligitur eiusdem Festi excellentia & dignitas super alias Octauas Sanctorum, quæ celebrantur cum Lectionibus de Communi sumptis. De Antiphona & Psalmo, *Qui habitat*, in 3. Nocturno, vide quæ diximus Sect. 5. c. 7. n. 12. pag. 75. Contra regulam communem Breuiarij, Responsorum breue ad Sextam non sumitur à secundo Versu Nocturnorum Matutini; quia hic Versus non potest diuidi in prima sui parte ut alij Versus, & ideo vice illius dicitur, *Locus iste*, &c. Habet alia de Dedicat. Eccl. in primo Tomo pag. 293.

De Officio B. Marie in Sabbato.

Cap. VI.

1. **S**Abbatum dicatum esse B. Virginis, constat, & docuimus Tomo primo pag. 7. meminitque huius ritus Microlog. cap. 60 & Urbanus II. contemporaneus Micrologi in Concilio Claramont. anno 1096. Officium in Sabbato beatæ Virginis Decreto suo destinavit, Radulph. Propos. 20 Non est ergo votuum, ut aliqui scripserunt, sed præceptuum, quod habet originem impropriè à voto Ecclesiæ, si votuum contendas esse.

2. Ritus Officij est ad modum Festi Simplicis, quod optabat Radulph. ibidem: nec tamen apparet, quo ritu tunc temporis Officium fieret de' beata Virgine hac die; sed neque reperitur Officium hoc in Sabbato in Breu. M. S. Et fortasse id causæ fuit; quia ante Pium V. tenebatur Clerus ad recitationem quotidianam Officij parui beatæ Mariæ, vñ cum Officio Domini: quam obligationem abrogauit Pius in Bulla ante Breuiarium posita.

3. Quare totum hoc Officium cum Lectionibus sanctorum Patrum singulo mense pro varietate legendis, ius tu Pij V. fuit compositum, & editum. Clemens VIII. illud recognouit, mutata tantum Lectione pro mente Aprilis, quæ erat sancti Epiphanij, nunc vero S. Hieronymi.

4. Fit autem in omnibus Sabbathis non impeditis Officio quoad ritum digniori; quale est etiam Feria maioris, aut Dominica anticipata, quæ scilicet sum non habet locum, ut diximus Sect. 3. c. 5. num. 9. pag. 25 quanu quidam nimis pij erga B. Virginem anticipare vellet in alia Feria, nimium amantes sui, ne Sabbathi Officium recitent.

tent feriale cum Nocturno, & Laudibus prolixioribus. Festum Simplex cedit huic Officio Simplici de beata Virgine ratione dignitatis eiusdem in pari rite, & de Feito Simplici fit tantum commemorationis.

5 Et idem ad modum Festi Simplicis Officium hoc incipit in Vesperis Feriae sextae, vel à Capitulo, si ille dies ferialis est; vel per commemorationem, si eo die Festum est nouem Lectionum. In Completorio Feriae sextae, quamvis sit de Festo nouem Lectionum, in fine tamen Hymni ius habet B. Virgo, ut dicatur,

Iesu, tibi sit gloria,

Qui natus es de Virgine;
nisi Festum sit Transfigurationis Domini, quod habet proprium finem omnibus Hymnis illius diei destinatum, & Festum est Domini.

6 Quod si Feria sexta fuerit Festum eiusdem beatæ Virginis, in secundis Vespere omittitur commemorationis Officij in Sabbato; quia non conuenit, ut de eadem fiant Vesperæ & commemorationis. Casus accidere potest in Purificationis Festo, quod celebratur Feria 6. seu in die Octaua, quæ fit alicubi, eiusdem Purificationis; præterea nullus: & hac eadem de causa, inter Suffragia Sanctorum communia, nihil in hoc Officio dicitur pro Suffragio, seu commemoratione beatæ Mariæ, nec in primis Vespere, nec in Laudibus. Ad Nonam finis est huius Officij, sicuti Festorum Simplicium.

7 In Nocturno Sabbati omittitur Psalmus *Iubilate*, pro quo dicitur Psalmus è Laudibus Sabbati, *Bonum ejus*, ne ille bis dicatur, in Matutino, & Laudibus, quæ constituantur, vñis præ diximus, vnam Horam; tum, ut hic per Hebdomadam omittatur, & ideo fit commutatio.

8 Pro varietate temporum additæ sunt alia Antiphona, cum Orationibus pro tempore, post Nativitatem, usque ad Purificationem, quæ sumptuosa sunt ex Officio parvo B. Virginis, cum aliæ ad *Magnificat* & *Benedictum*, pro tempore Paschali; quo & additur *Alleluia* Initiorio, Antiphonis, Responsorijs, & Versibus.

9 Lectio assignata Martio eo anno tantum legitur, quo Pascha celebratur die 20. vel 21. & ultra, mensis Aprilis; ut videtur est in Tabulis nostri Ordinis perpetui à Tabela 30. usque ad 35.

10 Ea item lectio assignata mensi Decembri non legitur vñquam, nisi quando Dominica prima Adventus incidit in diem 2. Decembri: reliqua saepius leguntur.

11 Quæres, An superfluat illa Parenthesis in Rubricis generalibus in 8. num. 2. vbi de hoc Officio: *In Semiduplicibus (quando eius Officium parvum non dicitur) fit eius consueta commemorationis per annum.* nam in Semiduplicibus non dicitur Officium parvum de beata Virgine. Sed explica illud quando, id est, quo die. Vel indicat Parenthesis, alicubi dici Officium parvum de beata Virgine, etiam in Semiduplicibus, ob consuetudinem, de qua Sect. sequenti cap. 1. num. 6.

SECTIO